

Балуан Шолақ Баймырзаұлы
«Сентябрь»

(1-түрі)

Баласы Баймырзаның Балуан Шолақ,
Бір қолым отқа күйіп болдым молақ.
Сұлу қыз, келіншекке тынышсызбын –
Жазғыз-ақ тал бойымда, о-оу, мінім сол-ақ, мінім сол-ақ.
Қайырмасы:
Әй-я, ой-я, а-хау, и-я, я-у,
Ә-ә, ия-ия, е-у.
Бүл күнде қырық бесте менің жасым,
Қамалдың бұзып жүрмін қорған тасын.
Кешегі сентябрьдің базарында,
Көтердім елу бір пұт кірдің тасын.
Қайырмасы.

«Сентябрь»

(2-түрі)

Мен, Шолақ, осы күнде тасып жүрмін,
Бау, бақша әрбір жерге шашып жүрмін.
Соңыма дұшпан болып жүргендердің,
Талайын шөптей таптап басып жүрмін, басып жүрмін.
Қайырмасы:
Ей-а-я, ей-а-я, а-а-ау, а-ай.
Ер жігіт жұртқа жағар қылығынан,
Кеткен жоқ сілтегенім құрығымнан.
Сан дұшпан анталаған қамаса да,
Келмейді Сырдың суы жұлығымнан.
Қайырмасы.
Мен, Шолақ, он сегізде өнер тапқан,
Үкілеп Ақбоз атқа тұмар таққан.
Басымда – пұшпақ бөрік, шекемде – үкі,
Үстіме кидім жібек шымқай ақтан.
Қайырмасы.